

Ս. Ա. Շախկուն

ԱԼԻՇԱՆԻ ՊՈԵԶԻԱՅԻ ՄԻ ՔԱՆԻ ՄՈՏԻՎՆԵՐԸ

Մեր պարբերականներում զանազան առիթներով քիչ հոգվածներ չեն գրվել Ալիշանի պոեզիայի վերաբերյալ, սակայն լուրորդ դեպքերում բանասերներն իրենց ուշադրությունը հիմնականում կենտրոնացրել են «Երգք նահապետի» խորագիրը կրող և «Հայրունի» հաստորում զետեղված աշխարհաբար բանաստեղծությունների վրա, սակավ դեպքում միայն քննության առարկա դարձնելով մեկ-երկու դրաբար գործ ևս: Ալիշանի գրարար պոեզիան աննշան բացառությամբ, մինչև այսօր էլ հետաքրքրությունը չկորցրած բազմաթիվ ստեղծագործություններով հանդերձ հանգամանալից քննության գրեթե չի արժանացել: Այս հանգամանքն ի նկատի ունենալով, սույն հոգվածում հիմնական շեշտը դնում ենք Ալիշանի գրարար պոեզիայի վրա, սակավ դեպքում միայն անդրադառնալով աշխարհաբար գործերին:

Թե կոնկրետ որ թվականից է սկսել ստեղծագործել Ալիշանը՝ դժվար է ասել: Նրա կենսագիր Ս. Նրեմյանը նշում է, որ դեռ նորընծայարանում սովորելիս (1832—1837) նա գրում էր բանաստեղծություններ ու կարգում միաբանության ներսում տեղի ունեցող զանազան հանդիսավոր արարողությունների ժամանակ: Այդ շրջանի գործերից մեկ ոչինչ չի հասել և հավանորեն դրանք ինքը՝ հեղինակն էլ առանձնապես չի արժեքավորել: Ալիշանի՝ մեկ հասած սկզբնական մի քանի բանաստեղծությունները գրված են 1839 թվականին, իսկ որպես ձևավորված բանաստեղծ նա հանդես է գալիս 1840 թվականից սկսած, երբ սովորում էր Բարձրագույն կրթարանում (1837—1841): Դեռ Մխիթար Սեբաստացու օրոք հիմնված այս հաստատությունն ուներ մեկ նպատակ՝ պատրաստել հյուս, հնազանդ ու խոնարհ աշակերտներ, որոնցից առավել հնազանդներն ու խոնարհները կարող էին Միարանության անդամ դառնալու պատվին արժանանալ: Ահա թե ինչպես է նկարագրում Ա. Արմիարյանը Բարձրագույն կրթարանի խստաշունչ ռեժիմը: «Սովորողի դատողությունը չէ, որ կզարգանա հոն, այլ միայն հիշողությունը կնմանի շտեմարանի մր, որուն մեջ կդիվի ուրիշին արտադրած արդյունարեքությունները, բայց ինք արտադրելու կարող չէ: Եվ ի՞նչ պետք ունի դատողության զարգացմանը: Քննելու, բաղդատելու, վճռելու իրավունք չունի, ինչ որ սրբերը, հայրապետները, եկեղեցին, կրոնասեր տաղանդներն ավանդել են,— ահա ճշմարտությունը. իր ամբողջ կյանքը պիտի ըլլա տրված հրամաններու գործադրությունը. իր կամքն աբբահոր կամքն է, իր բոլոր երջանկությունն է հնազանդի: Կույր հնազանդությունը անսասան հիմն է, որուն վրա երկու դար է, կանգուն կմնա Մխիթարյան Միաբանությունը»:

Սակայն վարժարանի այս ծանր ռեժիմը թեև ունեցավ իր անխտելի բացասական ազդեցությունն Ալիշանի վրա, բայց չկարողացավ նրան մինչև վերջ

կտրել արտաքին աշխարհից: Պատանի լանաստեղծը, որի զգայուն սրտում արդեն բուն էր դրել ազատ լինելու ձգտումը, իր առաջին իսկ գործերում սկսեց երգել ազատ կյանքը, անկաշկանդ լնությունը, անդորր գիշերը, խոխոջացող առավելը: Վանքի դաժան ռեժիմից հեռու լինելու այդ ցանկությունը որոշակիորեն զգացվում է Ալիշանի գրական երախայրիքի՝ «Երգք հանգրուանաց» խորագիրն ունեցող բանաստեղծաշարի յուրաքանչյուր գործում: Այստեղ զետեղված առաջին ոտանավորը («Առ զեփիւռ ընդ ընգուղնեաւ») օրինակ, սկսվում է հետևյալ սրտառուչ տողերով.

Ի մամռապատ ընգուղնեւոյս դալարակ
Յախորժայուր տերեւաշարժ հովանիս,
Երգել կամիմ ի տարփալիս ազարակ
Զրաւրթ զեփիւռ, կարկառ ի քնար նուրբ ծրդրիս:

Ի գուարճ թրոխ և ի հծծին հեշտարեք
Անցեալ ընդ ծալս ծիրանազգեստ օղևանդ՝
Զովացո՛ղ տապ արեգականս ոսկեհեր
Յօղատարափ թեւք փարեալ ի մարմանդ:

Այսպիսի տրամադրությունն էլ շնչուցող ուժով շարունակվում է ամբողջ բանաստեղծության մեջ: Նույնպիսի ուրախ և աշխույժ բանաստեղծություն է հաջորդը՝ «Զեփիւռն ալդույն»: Ողևորված նկարագրելով այդին մտնող զեփյուռին, որը եկել է թարմություն ու կյանք բերելու օրվա տապից թոշնած բույսերին, Ալիշանը հիացմունքով դիմում է ծաղիկ-ծաղկունքին.

Աւետիս ձեզ՝ վարդ,
Կակաջ երփնազարդ
Մեղու ոսկեթև
Ահա գայ թեթև
Զեփիւռ գուարթուն
Մարգաց կենսատուն:

Գեղեցիկ պատկերներով ու համեմատություններով է նկարագրված արեա-ծաղը «ելք արևու» բանաստեղծության մեջ, ոչ պակաս վարպետորեն է վերարտադրված գիշերն իր «Գոհարատիպ լուսատուով»՝ նույն բանաստեղծաշարի «Լուսին» գործում, լնության այլևայլ երևույթներն են ներրոգված «Մարգագետին», «Առաւօտ», «Միջօրէ» և մյուս ոտանավորներում:

Հետաքրքրական են «Երգք հանգրուանացի», «Մշակ», «Եղող» (հոտաղ), «Արտունձք» (Արտ հնձողներ) ոտանավորները, ուր 20-ամյա բանաստեղծը պատկերել է աշխատավորության կյանքը: Իր ամբողջ ստեղծագործության ընթացքում Ալիշանը այդ թեմային համեմատաբար քիչ է անդրադարձել, և այդ սակավաթիվ բանաստեղծություններում էլ պատկերելով աշխատանքը, այն երգում է խիստ վերացական ձևով: Աշխատանքը բարի է, այն ուրախության ու երջանկության աղբյուր է, ամոթ ու նախատինք ծուլելին, անբաններին, դաշտային արդար աշխատանքից փախչողներին: Ի հակադրություն սրանց՝ հեղինակը երախտագիտության քաղցր խոսքով է հիշում ազնիվ ու արդար աշխատավորին, և նկարագրելով դաշտում նրա «Քիրտն ի ճակատն» աշխատանքը, ջերմորեն ավելացնում է, որ ամենքը միայն նրան են շնորհասպարտ («Մշակ»):

Այս ամենից բացի, Ալիշանի սկզբնական շրջանի ստեղծագործության մեջ առկա է թախիծը, տրտմությունը, երևույթների որոշ հոռետեսական ընկալումն ու մեկնարանությունը: Այդ մոտիվն իրեն զգացնել էր տալիս զեռ 1839 թվականի բանաստեղծությունների մեջ, («Ի տարեզնացն», «Ջանգակն գիշերային») ամենայն որոշակիությամբ հանդես գալիս 1840 թվականի գործերում («Հար՝ բեն») և արդեն որպես երևույթ նկատելի է 1841 թվականից: Եվ սա միանգամայն հասկանալի է. մոտ 10 տարի էր, ինչ նա հեռացել էր հայրենի երկրից ու հարազատներից, 1832 թվականին վախճանվել էր մայրը, ապա, 1834 թվականին հայրը, և այդ կորուստները, հասկանալի է, ծանր ազդեցություն էին թողել Ալիշանի վրա: Ստորություն մեջ, հեռու տուն ու տեղից, նրա միակ հարազատը մնում էր փոքր եղբայրը՝ Սերուբեն, սակայն վերջինս էլ տաքարյուն ու դուրազորդիո բնավորություն ունենալու հետևանքով՝ չհամապատասխանելով միաբնակության պահանջներին, 1836 թվականին ետ է ուղարկվում Պոլիս՝ հարապատեներին: Հայրենի մարդկանցից ու վայրերից հեռացած աշխույժ, զգալուն Ալիշանին չէին կարող ուրախացնել վանքի մուսուլմաններին ու անհրապույր խուցը: Թախիծի ու տրտմության վերահիշյալ տրամադրությունն ամենայն որոշակիությամբ բացահայտված է «Առաջին մանկություն և ի հարազատս որ ոչ ևս են» բանաստեղծության մեջ, ուր հեղինակը բացահայտում է իր վշտի պատճառները.

Ո՞ր են աւուրքն այն, և ո՞ւր ամբն առաջին,
Ո՞ր զժամանակ դարձուցանէր ինձ նախկին
Ըզմանկութիւն երբ ծաղկէի վրտակաւ
Փափուկ ի տիւր համասպրամառ գիրդ խոնաւ
Ո՞ւր այն դարուն տիող, կենաց առաւօտ,
Մինչդեռ և լայր և խընդայր սիրտ անկարօտ:

Այսպիսի մուսուլման տրամադրությամբ և այս տեսանկյունից էլ հեղինակը քննում է արտաքին աշխարհի պանազան երևույթները, քննում է կյանքը և հանգում է միանգամայն համարձակ եզրակացության, որի նմանը նախորդներից ոչ մեկի մոտ չենք հանդիպում. կյանքը տանջանք է, տառապանք, որ «եղածնելով առեղծանէ և ոչ որ»: Նման եզրակացությունն առավել համարձակ էր կրոնավորի համար, որին եկեղեցական բոլոր վարդապետությունները միաբերան սովորեցնում էին, որ կյանքն աստծու պարգևն է և տրված է մահկանացուն որպես զերազույն շնորհ: Այս բոլորի փոխարեն Ալիշանը հայտարարում է, թե կյանքը է՝

Առասպել՝ յաւուրց նախնեաց առարկեալ,
Եղծանելով առեղծանել և ոչ որ.
Բան մ'ի լեզուլ յանգարձ փախուստ երազեալ,
Աման թափեալ զոր շիր հընար ամփոփել.
Ծուխ բարձրացեալ և առժամայն րսպառեալ
Բոց փայլակուն շոյտ ի շողալ ու անցանել. և այլն:

Կարելի է բերել այսպիսի մի քանի բանաստեղծություններ ևս, որոնցից ուարդ երևում է, որ երիտասարդ բանաստեղծը վշտի, միայնակության ծանր ապրումներ է ունենում: Այստեղից էլ ծագում է մի հարց. ո՞րն է ելքը, ի՞նչ անել մաշող հուսահատությունից ու թախիծից դուրս գալու համար: Եվ Ալիշանն

ունի այս հարցի պատասխանը ևս. պետք է հուսալ: Բոլոր դժբախտությունների ու դժվարությունների միակ փրկիչն ու հենարանը հույսն է:

...նեղ և տրեղար է սիրտ մարդոյ ընդդէմ վշտաց
Չուծէ ժուժել, թե չկա յոյսն ամբարտակ
Ամենայն շունչ կենացն յուսով հոլովի
Առանց յուսո ո՛չ աչք շարժին ոչ շրթունք:

Բանաստեղծությունը («Յոյս») վերջանում է Ալիշանի՝ սույն ժամանակաշրջանի համար մի շատ հատկանշական տողով, որը բավական հստակությամբ բնորոշում է նրան:

Եվ վշտահար սիրտ ցորչափ կեայն՝ յուսով կեայ.

Այնուհետև Ալիշանի հոգում ծայր է առնում ներքին պայքարը: Նա շուտով համոզվում է, որ հույսը հենց այնպես, դեռևս միջոց չէ հարատևող տխուր արամադրությունների դեմ պայքարելու համար: Մնում էր դիմել աստծուն ու հայցել նրա օգնությունը, սակայն աստվածն էլ խուլ է ու անտարբեր մարդու տանջանքների հանդեպ: Հոգեկան այս պայքարն աստիճանաբար ուժեղանում է, սաստկանում, հասնում մեծ չափերի, անլուր տվալտանքներ պատճառելով Ալիշանին: Այս շրջանում նրա գրած բանաստեղծությունների մեջ շատերը կան, որոնք, չնայած իրենց կրոնական վերնագրերին (Տես հատկապես հատ. 4-րդ). ամենայն հստակությամբ ի հայտ են բերում վերոհիշյալ պայքարը, և հենց դրանք էլ այսօրվա ուսումնասիրողների համար մեծ հետաքրքրություն են ներկայացնում: Իհարկե, Ալիշանն իր ամբողջ կյանքի ընթացքում գրել է ոչ քիչ թվով միանգամայն կրոնական բանաստեղծություններ, բայց այդ գործերի մեծ մասն ուշադիր քննելիս նկատում ենք հոգեկան այն պայքարը, որը մինչև կյանքի վերջն էլ տանջեց հեղինակին, և որը վերջնականապես չլուծվեց հոգուտերկնային:

1843 թվականին Մխիթարյան միաբնակության կյանքում տեղի է ունենում մի խոշոր իրադարձություն: Մայիսից, Գ. Այվազովսկու ակտիվ նախաձեռնությամբ ու խմբագրությամբ սկսում է լույս տեսնել Մխիթարյան միաբնության ամենաերկարակյաց պարբերականը «Բազմավեպ» վերնագրով (այսինքն՝ բազմաթիվ տեղեկություններ հաղորդող, բազում բաների վիպող), որի էջերում Ալիշանը շարունակեց իր գրական և գիտական գործունեությունը: Այստեղ տպագրված նրա բանաստեղծություններն ավելի կամ պակաս չափով աշխարհիկ բնույթ ունեն: Դրանք գերազանցապես նվիրված են բնությանը, տարվա եղանակների պատկերմանն ու դրվատմանը: Ամսագրի առաջին իսկ համարից սկսած «Ամսոց բնական նշանները» ընդհանուր խորագրի ներքո սկսում է հրատարակվել ամիսների մասին Ալիշանի պատճառով բանաստեղծությունները, որոնք իրենց որոշակի տեղն են գրավում նրա պոեզիայի մեջ: Շարադրանքի ընթացքում հեղինակը խոսում է իր փոքրիկ բարեկամի՝ Գրիգորիկի հետ, նկարագրում է տարվա եղանակներն իրենց բնորոշ հատկանիշներով, ժողովրդին, աշխատավոր մարդուն իրենց տված պեսպես օգուտներով: Ահա մի հատված «Յունուար» բանաստեղծությունից, ուր հեղինակը պատկերում է ձմեռվա այդ ամիսը:

Յո՛վ անց տարին և բու աուրբ Գրիգորիկ,
Ո՛ւր գեղանին գարուն, շրնկան փոթորիկ
Անուշարեն և պարաշարմն ո՛ւր աշուն,
Եւ յո՛ւր ցըրտին պատանս ծաղկունք ազագուն.
Ծայրակարմիր ո՛ւր առաւօտն այն խաղաղ
Եւ ի դաշտէն ամբարձիգ նուրբ շամանդաղ:

Ապա հարցասեր Գրիգորիկին բացատրվում է, որ հունվարին տեղացող ձյունը մանուկների համար զվարճությունից բացի, անհրաժեշտ է լավ բերքի համար, որ հունվարն իր հետ բերում է նոր տարի, և դրա հետ միասին նոր ու թանկագին հույսեր: Գեղարվեստական մեծ վարպետությամբ է գրված մայիս ամիսը ներբողող բանաստեղծությունը, որը լավագույններից մեկն է ամիսներին նվիրված բանաստեղծությունների շարքում: Ժամանակակիցներն իրենց հիշողություններում հաճախ են նշել, որ Ալիշանը ֆիզիկապես անգամ չէր կարողանում տանել ձմեռը, և ամբողջ ձմեռվա ընթացքում տենչանքով սպասում էր գարնանը: Այգ տրամադրությունն էլ զգալի է այստեղ.

...Յարեաւ և օգ, բուրբ և ջուր
Հանգոյն լարից զուգահար,
Ի նախն իւր փայլ կենսատուր
Տատանեցան սիրարար.

Վարդ և յասմիկ, մանիշակ
Ծաւալեցան բոյր ի բոյր
Ծընճղուկ, սարեակ և սոխակ
Նրգս հնչեցին դաշն համբոյր.

Քիչ ավել կամ սլական հաջողված մյուս գործերը ևս (Տես հատ. 1-ին, «Պատկերք ամսոց») դրեթև մի ամբողջ տարի զարդարեցին «Բազմավեպի» էջերը:

Ալիշանի պոեզիայի մեջ ընդհանրապես, և այս շրջանի պոեզիայում հատկապես, իրենց որոշակի սեղն ունեն եղբոր մասին գրած բանաստեղծությունները, որոնք ամենայն հստակությամբ ցույց են տալիս, որ նրա մոտ վճռականորեն շարունակում էր գերիշխել երկրայինն ու զգայականը: Ասացինք, որ 1836 թվականին, Սերովրե Ալիշանյանը ետ էր ուղարկվել Պոլիս: Ամերիկա մեկնելու կապակցությամբ 1845 թվականին նա մոտ երկու ամիս լինում է Վենետիկում, և ապա, նույն թվականի սեպտեմբերին մեկնում է, ծանր վիշտ սլատճառելով Ալիշանին: Բավական է ասել միայն, որ հոր ու մոր մահվան առթիվ Ալիշանը ոչինչ չունի գրած, իսկ եղբոր մեկնելու կապակցությամբ գրել է մի քանի հուզաթաթալ բանաստեղծություններ: Դրանցից առաջինը վերնագրված է «Առ հարազատն իմ ծովաշուկով յԱմերիկա» (1845), որը մի սրտակեցիկ ողբ է, ուր Ալիշանն արցունքն աչքերին դիմում է բնությանը, ծովին, կայծակին, խնդրելով չմնասել Ամերիկա տարագրվող իր հարազատին:

Սիրով Սերոբիդ սիրտըս ձայն առած
Հուռ միայնության ճրագիկըն վառած,
Գիշերն գիշեր յանծանոթ ճամբա,
Լինէն յԱմերիկ քո հետ կը թրթռա.

Բայց ահա, ահեղ մրրիկը հուզում ու ալեկոծում է օվկիանոսը, լեռնացած ալիքների փրփուրը հասնում է ամպերին, շանթ ու կայծակ պատռում են եր-

կինքը, գալարվում ու ոռնում է ամբողջ «Ատլանտյանն Վիթխարին»։ Սարսափից զողողջուն՝ Ալիշանը դիմում է տարերքին.

Կեցի՛ր չար կաշծակ, կեցի՛ր, ո՛ր կիչնաս,
Իմ Սերորն է հոն, յամպն կախ մրնաս,
Կամ թե ծովն ի ներս ըլլաս ցիր ու ցիր,
Ուր շատ գանձ, շատ հույս, շատ լույս մարեցիր.

Անհանգստության այս տրամագրությունն ամբողջ բանաստեղծության ընթացքում աստիճանաբար ուժեղանում է և ի վերջո դառնում է եղբոր հանդեպ ունեցած ցավագին սիրո մի չուրօրինակ զուլխագործոց։ Նույնպիսի սրտաճմլիկ բանաստեղծություն է «Առ նոյնը»՝ գրված 1846 թվականին։ Նախորդի նման այստեղ էլ միակ գրաբար տողը վերնագիրն է։ Առաջին բանաստեղծությունից հետո, ինչպես տեսնում ենք, բավական ժամանակ է անցել, բայց Ալիշանի սերը դեպի իր եղբայրը շարունակվում է նույն ուժով։

Սակայն այս բանաստեղծությունները հետաքրքրական են նաև ուրիշ առումով։ Նրանց շնորհիվ մենք կարող ենք պարզել, թե կոնկրետ ո՞ր թվականից Ալիշանն սկսեց գրել աշխարհաբար։ Թեև ուղ վերևում բերված ցիտատները ցույց են տալիս, որ այդ գործերը գրված են գեղեցիկ արևմտահայերենով, բայց բանասիրական դրականության մեջ ընդունված է Ալիշանի աշխարհաբար առաջին գործերը համարել այն բանաստեղծությունները, որոնք ամփոփված են «Երգք նահապետի» խորագրի ներքո, որոնցից առաջինը «Բաղմավեսություն» հանդես է եկել 1847 թվականի կեսերին։ Սակայն ասվեց արդեն, որ եղբորը նվիրված բանաստեղծություններից առաջինը գրվել է 1845 թվականին, հետևաբար Ղևոնդ Ալիշանն աշխարհաբար լեզվով սկսել է ստեղծագործել 1845 թվականից սկսած։

Բնարկն, իրական աշխարհից չեղյի վերացականը հեռանալու այն հուսահատ պայքարը, որը քննեցինք մնացե՛ղ և շարունակվում էր նույն ուժով փոթորիկ (Տես «Մեղեդի», «Ներկայս», «Սասնաղայն»), ծանր ապրումներ պատճառելով հեղինակին։ Եվ ասան պնդումները, թե Ալիշանն ի վերջո՝ զարձալ՝ դուռ կրոնավոր, միայն հավատացյալ, դուրկ են որևէ հիմքից։ Նթե իսկապես այդ այդպես լինելը, ասպա Ալիշանը կդառնար մեկն այն շատ սովորական կրոնամոլ վարդապետներից, որոնք իրենց ամբողջ կյանքն անց կացրեցին կրոնա-սխալաստիկական բանաստեղծությունների հատորներ գրելով, և որոնք այսօր հայտնի են միայն սակավաթիվ ուսումնասիրողների։ Արտաքին աշխարհի, բնության, կյանքի հետ ունեցած կապի շնորհիվ էր, որ Ալիշանը կարողացավ տալ իր աշխարհն ընտիր բանաստեղծությունները, որոնք ապրում են մինչև այսօր։

«Բաղմավեսություն» տպագրվող Ալիշանի բանաստեղծություններում շուտով սկսում է հանդես գալ մի նոր մոտիվ, որն աստիճանաբար պետք է գերիշխեր նախորդների համեմատությամբ, և վերջին հաշվով, այդ մոտիվն էր, որ անմահության պիտի բերեր հեղինակին։ Դա հայրենասիրությունն էր, որի թույլ ու անորոշ դրսևորումը նկատելի էր դեռ սկզբնական շրջանի գործերում, և որն արդեն գիտակցված ձևով հանդես է գալիս 40-ական թվականներից սկսած։ Այս հանգամանքն ունեի իր միանգամայն հիմնավոր պատճառը։ XIX դարում կուլիկասում ծավալված դեպքերը հստակորեն ցույց էին տալիս, որ եկել է պարսկական ու թուրքական բռնակալությունից հայ ժողովրդի ազատագրու-

Բյան բաղձալի ժամանակը: Ասպարեզ իջալ հայ գրողների վզալի մի խումբ, որոնք մարտնչելու, պայքարի էլնելու անսքող կոչ էին անում հայությունը Դրանց մեջ ուրույն և առանձնահատուկ տեղ ունի Ալիշանը, որը հենց սկզբից «Ի գէն, ի վրէժ» կոչող իր բանաստեղծություններով կանգնեց այդ գրողների առաջին շարքերում: Հայրենասիրական այդ բանաստեղծություններից առաջինը կոչվում է «Ոգին Հայաստանեայց» (1844), ուր հեղինակը պատկերում է իր հայրենի երկիրը սիմվոլացնող ազատության Ոգուն՝ նստած Մասսի տըրտմաշուք հովանու ներքո, ավերված Հայաստանի մեջ, տարված մռայլ ու հոռետես խոհներով:

Իսկ այժմ ի նոյն մենացեալ սար ցրտագին,
Նրստի լրոիկ Հայաստանեայց վեհ Ոգին
Ձեռն ի ծնոտի, յեց արմընկամբն ի տապան
Թաւալ ի գոգս իւր ունելով հին մատեան
Վայրենկեցիկ կայ գաւազանն առ սընար.

Սակայն չնայած այս ծանր դրությանը, չնայած այն բանին, որ չկան երկիրը շենացնող Հայկի, Արամի, Տիգրանի, Արտաշեսի սերունդ՝ դյուցազունները, Հայաստանը վերջնականապես ոչնչացված չէ՝ Նա դեռ պիտի հառնի՝ փլատակներից, դառնա անմահների ու անմահության ստեղծողների երկիր: Բնորոշ է այս տեսանկյունից բանաստեղծության վերջին քառյակը, ուր Հայաստանի Ոգին վստահ ու համարձակ հայտարարում է ի լուր ամենքին, թե Հայաստանը ողջ է:

Յայնժամանակ ի վեր վազեալ Ոգին յաթոռոյն
Երգուաւ ի թագն ի շուք անմահ ճակատուն,
Եթէ յաւերժն իմ Հայաստան դեռ ողջ է.—
Եւ կրկնեցին ամենքն բազում թլ ողջ է:

Հայրենասիրական նման գործերից են «Գարունք հայոց», «Գատաստանք Վասակայ մատնչի» (1845), «Աստղն Հայկին» (1846), «Ի մահ Տրդատայ ահեղապորն արքայի հայոց» (1847) և բազմաթիվ այլ բանաստեղծությունները, ուր հեղինակը մերթ խանդաղատանքով նկարագրում է Հայկի հաղթանակն ու դարնան գալուստը Հայաստանում, մերթ վայրույթով պատկերում է Ավարայրի դավաճան Վասակի նողկալի արարքն ու նրա հատուցումը, մերթ էլ հուզված երգում է հայոց քաջարի արքա Տրդատի մահը թիկունքից արձակված թըշնամու նետից և այլն:

Սկսվում է 1848 թվականի Վենետիկյան հերոսամարտը: Ապստամբված քաղաքը մոլեգնող ժանդարմի պայմաններում սխրագործության հրաշքներ կատարելով, քաջաբար դիմադրում էր թվով գերազանց թշնամու ուժերին: Այդ պայքարի ամբողջ 17 ամսվա ընթացքում գտնվելով Վենետիկում և տեսնելով իր իրավունքների պաշտպանության համար ոտքի ելած ժողովրդին, Ալիշանը գաղափարական որոշ էվոլյուցիա է ապրում: Այս մասին է վկայում այն հանգամանքը, որ իր հայրենասիրական ամենաընտիր բանաստեղծությունները նա գրել է այդ թվականներին: Անհրաժեշտ էր պահանջել, որոտալ, խոսել կրակի լեզվով, և Ալիշանը վերջնականապես թողնում է աշխարհաբարը, որով նա 1847 թվականին գրել էր «Հայոց աշխարհիկն» ու «Պլալուն Ավարայրին» և կրկին ստեղծագործում է գրաբարով: Հետաքրքրական է՝ որ խրոխտ, մարտնչող, պայքարի կոչող բանաստեղծություններ գրելիս Ալիշանը գերազանցապես

դիմում էր գրաբարին, իսկ երբ անհրաժեշտ էր խոսել մեղմ ու հանդարտիկ. անդրադառնում էր աշխարհաբարին: Եվ գրաբարին անցնելու հետևանքով պատկերը մեկից փոխվում է: Իրար են հաջորդում մրրկաշունչ, մարտակոչային բնույթի բանաստեղծությունների մի ամբողջ շարք, որոնք հանդիսանում են հայ դասական պոեզիայի լավագույն գործերը: Հիշյալ շարքն սկսվում է «Բազմավեպի» 1848 թվականի ասյրիկին տուազրված «Սևալուհն Վասակ» բանաստեղծությամբ, ուր հեղինակը պատկերում է հայոց զորավար Վասակ Մամիկոնյանի մղած հերոսամարտը պարսիկների դեմ, նրա հաղթանակը և քաջերի զոհվելը հայրենիքի համար: Հենց սկզբից Ալիշանը խոսում էր որոտի լեզվով:

Շոինդն ահեղ հնչել վրիժապահանջ յԱրևաց գրանէն
Կորանաց կանգնումն առնել բիւրոք զօրօր հրոսօք
Ի մարտ մահահոտ մրրկեալ Միհրան զէն յասպազէն,
Վերացեալ Վարգի հետևակօր, ձիովր. փրղօր:
Հապա՛ մանկտի գրաշս Հայոց դարթուցէ՛ր,
Ճարին ժանտից ըզսուներս մերկացէ՛ր:

Հայոց դյուցազունները խիզախաբար պատրաստվում են կռվի, նրանց ռզնության են շտապում «Վիրք, Հոնք, և Աղուանք», որոնք հայկական բանականների հետ մեկտեղ, Վասակի հմուտ առաջնորդությամբ նետվում են առաջ, թշնամուն ջախջախելու: Մարտն ավարտվում է Հայաստան խուժած թշնամիների պարտության և նրանց խուժապախին, խայտառակ փախուստով: Եվ փառավոր հաղթանակ տարած Վասակը դիմում է իր միացյալ զորաբանակին մի կոչով, որն անշուշտ, արտահայտում է նաև հեղինակի վերաբերմունքը, այն է՝ միշտ պատրաստ լինել հայրենիքի թշնամիների դեմ պայքարելու, նրանց հակահարված տալու:

Քառասունական թվականներից սկսած՝ Ալիշանի պոեզիայում հանդես է գալիս այն շատ հետաքրքրական առանձնահատկությունը, որը հետագայում շարունակվեց ու զարգացավ «Հայրունի» հատորում գետեղված բանաստեղծություններում, այն է՝ Ալիշանը Հայաստանի ու հայ ժողովրդի թշնամի ճանաչում է միայն պարսիկներին: Այդ երևում է վերահիշյալ բանաստեղծության մեջ, իսկ «Հրազդանի» շորրորդ քառյակում կարդում ենք.

...Իմ րնկերներն ո՛ր են Հրազդան,
Մի՞թե պարսկին եղան գերուկ,
Մի՞թե ամենքն ի հող մտան:
Ա՛յ Հրազդան...

Հարց է ծագում. Ալիշանն ինչու է իր խոսքի սուր ծայրն ուղղում պարսիկների դեմ: Չէ՞ որ, ըստ էության, թուրքերն էին թշնամական հարաբերությունների մեջ հայերի հետ, իսկ պարսիկները 1828 թվականի Թուրքմենչայի հաշտության պայմանագիրը չէին զրժել ամբողջ XIX դարի ընթացքում և չդրժեցին այն ընդհուպ մինչև մեր օրերը: Պատասխանը պարզ կդառնա, եթե նկատի ունենանք, որ նախ՝ Մխիթարյան միաբանությունը թուրքական օրիենտացիա ուներ, և հետևաբար, Ալիշանը չէր կարող իր ստեղծագործություններում անդրադառնալ թուրքական բռնակալությանը, կամ, առավել ևս, պայքարի կոչել նրա դեմ: Եվ ապա՝ մեր գրականության դասական տրագիկոսական բաղամթիվ տվյալների հիման վրա սովորեցնում էր, որ հայերի թշնամիները միշտ գերազանցապես եղել են պարսիկները: Սկսած վարդանանց հերոսամարտը ներքողող եղի-

շեից մինչև XVIII դարի կեսերը, այդ տրագիգիան առավել կամ պակաս ուժով տիրապետող էր մեր դրականության մեջ: Այդ էլ ժառանգել էին հայ գրողներից շատերը, հարկավ՝ նաև Ալիշանը: Ահա թե ինչու նրա պոեզիայում «պարսիկ» հասկացողությունն ունի շատ ավելի լայն իմաստ և համազոր է «թշնամի» հասկացողությանը:

Հայ ժողովրդին պայքարի կոչող գործերը դրելով՝ Ալիշանն անդրադարձավ պատմական թեմատիկային, հայոց պատմությունից դուրս կոչեց Հայկին, Արամին, Վարդանին և այլն: Սակայն պատմական անցյալին նվիրված նրա գործերը որոշակի կերպով տարբերվում են Մխիթարյան նախորդ հեղինակների նույնատիպ ստեղծագործություններից: Պատկերելով պատմական իրականությունը, Ալիշանը վարպետորեն կարողացավ այն կապել իր ժամանակաշրջանի հուզող դեպքերի հետ, մեր ազգային հերոսների բերանով դիմեց հայ հանրությանը՝ նրան կոնկրետ առաջադրեց հայրենիքի փրկության, ժողովրդի ազատագրության հարցերը: Մի լայն, որ նախորդների մոտ չենք հանդիպում: Բացի այս, պատմական թեմատիկային անդրադառնալը մինչև Ալիշանը եղած Մխիթարյան հեղինակների մոտ իր հետ բերել է մի թերություն ևս: Եթե նախորդների ստեղծագործությունների հերոսները բացառապես արքաներ, նախարարներ ու իշխաններ են, ապա Ալիշանի մոտ արդեն հանդես են գալիս հիմնականում զինվորները, «արի մանկունք», «մանկտիք քաջ», որոնց էլ դիմում, խրախույս է կարգում բանաստեղծը, շանտեսելով, իհարկե, նաև զորավարին:

Վենետիկի հերոսամարտերի ընթացքում գրված գործերից նշանակալից են «Վերջին երգ վիրավոր բամբուհահարին» և «Մասիսու սարերն» բանաստեղծությունները, որոնք հայ գրականության պատմության մեջ եզակի գործերի թվին են դասվում: Եթե առաջին բանաստեղծության մեջ Փառենը սիրելի հայրենիքի համար մեռնում է առանց վարանելու ու երկրնտրանքի և մահը ծաղրելու համար երգը շուրթերին, ապա հաջորդում, մեծ Մասսի մեջ սիմվոլացնելով հայ ժողովրդին, Ալիշանը կոչ է անում չհանդուրժել տիրող լուծը, չհուսահատվել անհաջողություններից, այլ ոտքի ելնել ազատությունը կռվով՝ նվաճելու համար: Հայրենասիրական միանգամայն առողջ մտայնություն, որի մեջ անշուշտ իր որոշակի դերն ունի Վենետիկի ապստամբությունը: 1849 թվականի ընթացքում, մինչև օգոստոս ամիսը Ալիշանն ստեղծում է իր ամենաազդեցուն գործերը: Վառուդի ծխի մեջ պարուրված Վենետիկում մարտական շունչ էին առնում նահապետի երգերը: Այսպիսի մի բանաստեղծություն է Ալիշանի աչքի ընկնող գործերից մեկը՝ «Ի Հայկն և ի բաստ հայկազանցը», որը մի տեսակ, նախապատրաստություն է «Բա՛մ. փորոտանի» համար:

...Հայկը կռվի է կռում յուրայիններին: Բելի սև հրոսակներն արշավում են հայոց սրբազան երկրի վրա, այն ստրկացնելու միտումով, և թեև նրանք բաղամաթիվ են, բայց Հայկն աներեր յուրայիններին տանում է նրանց դեմ, քաջ գիտենալով, որ հայրենիքի ազատության համար մղվող այդ պայքարում իրենք պիտի հաղթեն:

Բոմբինք թմբկաց տոփեն լերանց ի լերինս
Հայկայ հրավր վառ զորդիս դիցազունս
Ի հարաւոյ հեղեղեաց Բել բռնաւոր
Արի՛ք ընդդմ. հարցին, դարձցին կորակոր.

Խայտակն Հայկայ զհետ
 Որդիք զուգահետ՝
 Հասին արծուիք երազունք,
 Ծկահեն յաղեղանց
 Խումբր արի արանց
 Թօթափին ցուրտ դիակունք:

Բանաստեղծի խորին համոզմամբ հայերը պիտի հաղթեն ու շեն կարող չհաղթել, որովհետև նրանց ողբնշուժ են «հոգիք հայոց հարանց», նրանց հետ են Տիգրանը, Վարդանը, Վահանը և հայ ժողովրդի ազատագրական պայքարի մյուս հերոսները: Եվ հաղթանակը պատկերելուց հետո, ողևորված Ալիշանը գիմում է վաստակած կտրիճներին, բացականչելով:

Կեցցուք, կեցցեն Հայկազունք:

Հաղթությունը տարել են «Հայկազունք»: Սա ասված է ամենայն որոշակիությամբ և ուշագրավ է, որ այստեղ բացակայում է կրոնական ոգին: Եթե իր նախորդ մեկ-երկու գործերում Ալիշանը սովորաբար մաղթանքի մի քանի խոսք էր ասում աստծուն, ապա այստեղ այդ չենք նկատում: Ընդհանրապես, հայրենասիրական թեմատիկայով գրված գործերի մեծ մասի մեջ կրոնն ու կրոնական մտայնությունը կամ առկա չեն, կամ հազիվ զգացնել են տալիս իրենց:

1849 թվականի օգոստոսի 20—22-ը ընկած ժամանակամիջոցում Ալիշանը գրում է իր գրական գոհարներից մեկը՝ «Երգ ու զնացք զօրացն հայոց ընդ Վահանայ Մամիկոնենոյ ի Շաւարշական դաշտին վրէժք» (0-ն անդր յառաջ) բանաստեղծությունը, որն ավելի հայտնի է իր առաջին քառյակի առաջին երկու բառերով: Դա հանրահայտ «Բա՛մ. փորոտանն» է, որը տարիներ շարունակ եղել է դասագրքերի ու երգարանների անբաժանելի դարձը, և մինչ այսօր էլ կատարվում է զանազան երգիչների ու երգչախմբերի կողմից: Պատահական չէ, որ բանաստեղծությունը 1850 թվականին «Բազմավեպում» լույս տեսնելուց հետո մինչև այժմ ավելի քան 35 վերահրատարակություն է ունեցել:

Բա՛մ. փորոտան բարձուտ բոմբինք յկյրարատեան
 դաշտն ի վայր
 Արի արանց արիւնքն յեռանդն առատանան ի հրազայր:
 Հրաւր հայրենեաց հրաշակի նոց հանուր,
 Հոգիք հայկազանց բորբորին ի հուր:

Ըր քաջարի զինակիցներին դեպի արյունահեղ մարտն է առաջնորդում զորավար Վահանը, հետևյալ կրակոտ հորդորը կարդալով նրանց:

Ի՞րը երկնաւորի պսակին էր անձկոտ
 ու որ երկրաւորիս փառաց երկնահորդ
 Հապ՝ օ՛ն, արի արանց մանկունք
 Հայրենավրէժքդ Հայկազունք,
 Հապ՝ օն ի զկն գունդագունդ
 Յեռեալ ի պար թունդ ի թունդ՝
 Ի զկ՛ն ի վրէ՛ժ, օն անդր յառաջ,
 Ի զկ՛ն ի վրէ՛ժ, մի ձախ մի յաջ:

Բանաստեղծությունն իր լուսանկարային շարժումն է նախորդներին. պատկերված է Վահան Մամիկոնյանի գլխավորությամբ հայերի կոիվը թշնամու հորդանների դեմ և նրանց փայլուն հաղթությունը, Բայց ամբողջ բանաստեղծությունը գրված է այնպիսի մրրկաշունչ, մարտական ոգով, դրա համար հատկապես ընտրված բառերն այնպիսի սպառնական բնույթ են տալիս զործին, որը բացառիկ է Ալիշանի ամբողջ ստեղծագործության մեջ: Իր ոչ մի գործում նա այդքան ուղղակի, համարձակ ու աներկյուղ չի դիմել հայ հանրությանը ոտքի ելնելու, բռնապետությունը թոթափելու կոչով: Եվ այդ մարտաշունչ տրամադրությունը շիկացած թևի նման անցնում է ամբողջ բանաստեղծության բոլոր ութ տների միջով: Ճակատամարտի ելքն սկզբում անորոշ է, սակայն վերժով լի կովի նետված «Արի արանց մանկունք» վերջնականապես հաղթում են թշնամուն, ստիպում են նրան փախուստի դիմել: Հիացած է Ալիշանը. անսահման, անսպասելի երջանկությամբ նա երգում է հակառակորդի խայտառակ պարտությունը. 'և կոչ է անում մինչև վերջին մարդն արտաքսել նրանց հայրենիքից:

Այս ոգով էլ շարունակվում է բանաստեղծությունը մինչև վերջ և ավարտվում է գեղեցիկ մտածված մի պատկերով: Մամիկոնյանների մարտադրոշը հպարտ ու վեհորեն բարձրացված է սպանված թշնամիներով լի արյունոտ ռազմադաշտի վրա, որպես համայն հայության ազատության վեհ սիմվոլ:

Այս է մեր հեղինակի տարիներ շարունակ փայտացած իդեալ՝ ձնշողներից ազատ տեսնել իր սիրելի հայրենիքը. մի իդեալ, որը նրա կենդանության օրոք, ավագ, վիճակված չէր իրականանալու...

Մինչև 60-ական թվականները. Վենետիկի ընկնելուց և իտալական ռեյտայի պարտությունից հետո անդամ, ձիշտ է, ոչ առաջվա թափով, Ալիշանը շարունակում էր գրել իր բնտիր հայրենասիրական բանաստեղծություններն ու սլոնները: Հիշենք դրանցից մի քանիսը. «Ի նախագահն ի Մասիս», «Հառաչումն Գաղկայ Վերջնոյ», «Հրազդան», «Վրովայրի հորիսոռունեաց տեսնոն», «Մասիսու սարերն», «Բամբիռն Հայկազնի» և այլն, և այլն: Գործեր, որոնք առ ընդմիջտ մտել են հայ դասական պոեզիայի ոսկե ֆոնդը:

1851 թվականին Մխիթարյան միաբանության ղեկավարության որոշմամբ Ալիշանը գործուղվում է Լոնդոն, Ռաֆայելյան վարժարանի ֆինանսական հարցերի կապակցությամբ, ուր և մնում է ավելի քան վեց ամիս: Այս ուղևորությունն Ալիշանի համար արդյունավետ է լինում նրանով, որ վերադարձին նա իր հետ բերում է թվով 30 բանաստեղծություններ: Այդ գործերի մեծ մասը Ալիշանի քնարի լավագույն արտադրանքներն են, որոնք արտահայտում են հեղինակի բուն, այրող սերը ղեպի իր հայրենի երկիրը: Ոչ մի տեղ, հայրենիքի նկատմամբ ունեցած սկանդալի կարոտն Ալիշանն այնքան ուժեղ չի երգել, ինչպես այս բանաստեղծություններում: Ահա դրանցից մեկը.

Ոհ կարօ՛տ, կարօ՛տ. գի՛նչ բունն ի մարդում բան զայս կիրս

Կարծես անմահից անգամ զոլ սա ՚րհավիրս

Ոհ կարօ՛տ, կարօ՛տ. մեծ հեղձամղձուկ գիս առնէ

Յուփունս բացական, և այցելու ինձ որ չէ...

Որ այս սրտամաշուկ կարոտի մեջ իր զգալի բաժինն ունի ղեպի հեռավոր հայրենիքն ու հարազատներն ունեցած զգացումը, այդ որոշակիորեն նկատվում է ամենուրեք: Բանաստեղծություններից մեկը սկսվում է «Կրկնա-

կի պանդուխտ եմ դարձել իմ հայրենիքից ու մտերիմներից» ձևով, և մինչև վերջ էլ հեղինակը զարգացնում է այդ միտքը:

Բոլոր այս փոփոխությունների պատճառը ուղեորությունն ու նոր միջավայրն էր: Ալիշանն աստիճանաբար սկսեց հասկանալ, որ վանքից, նրա քարեղեն ընդերքից, կրոնական սրբազան սարսուռներով լի աղոթքներից դուրս գոյություն ունի ուրիշ՝ ավելի առողջ ու իսկական կյանք, լի աշխարհիկ աղմուկներով ու հուզումներով. մի կյանք, որի զարկերակի հղոր բաբախումները չափազանց աղճատված էին թափանցում Մխիթարյան վանքի սահմաններից ներս: Եվ Ալիշանը, արդեն զգալով ու հասկանալով այդ ամենը, հավատարիմ ղեկավարության կարգադրությանը, նորից է վերադառնում վանք, նորից է դառնում նրա կաշկանդող միջավայրի լուռ ու տանջվող դերին: Սրան միանում էին կյանքի ու հավիտենականության մասին այն թախծալի խոհերը, որոնց մի մասը համառոտակի քննեցինք, և որոնք ընդմիշտ տանջեցին նրան: Ահա, օրինակ, թե ինչպիսի՝ ներքին պայքարից հոգնած տողերով է դիմում ինքնիրեն Ալիշանը.

Ահ, գլուխ իմ, ահ, սիրտ իմ, ցեղը հեծես. արդ լուռ լեր,

Գուցէ լուեալ մօր դիւրագգածի կաթոգին

Եւ սիրտ խոց առեալ հառաչիսցէ կարեւր

Վերայ գրկաց զաւակին:

Այլ ո՛ւր և իմ մայր, որ ժողովէր զիս ի ծոց.

Ո՛ւր որ ժողովէր զհատկուեալ շունչս ահ ընդ ահ,

Որ մատն արկանէր ի գլուխ ու ի սիրտ յարակոծ

Եւ խաղաղէր գեթ մի պահ:

Մինչև 1870 թվականը տեեց Ալիշանի գործունեության փթթուն շրջանը, որի ընթացքում վերը նշված հակասությունների հետևանքով կրոնական, հետևաբար այսօր անարժեք, բանաստեղծություններ գրելով հանդերձ, նա տվեց «Շուշանն Շաւարշանա», «Լուսընկայն գերեզմանաց հայոց», «Հայ հանճար» ստեղծագործություններն ու գրաբար մի շարք արժեքավոր դործերը: Ինչպես և նախորդ դեպքերում, այնպես էլ այստեղ, հանգես է գալիս աղատասեր ու իր հայրենիքի փրկության ջերմ նախանձախնդիր Ալիշանը, որը մերթ ջերմագին ողբում է ավերված հայրենիքը, մերթ կոչ է անում ելնել անհավասար պայքարի թշնամիներին արտաքսելու համար, մերթ պահանջում է շմոռանալ այն քաջերին, որոնք «սուրն ի ձեռին» ընկել են հերոսաբար և այլն:

Հետագայում Ալիշանն այլևս երբեք չկարողացավ բարձրանալ 1847—1870 թվականներին գրված գործերի մակարդակին: Այդ է վկայում 1876 թվականին հրատարակված «Աղոթք արեղայի» գրքուկը, որը պարունակում է այրուրենի կարգով դասավորված 35 աղոթք, և զանազան առիթներով հրատարակված ընդհանուր առմամբ կրոնական բնույթի բանաստեղծությունները: Սակայն դրանք չեն, որոնք ընդունում են մեր հեղինակին: Ալիշանը հայ գրականության մեջ իր մշտակայուն տեղն ունի շնորհիվ այն կրթոտ հայրենասիրական բանաստեղծությունների ու պոեմների, շնորհիվ «Հայրունի» հատորում ամփոփված այն ընտիր գործերի, որոնք համաժողովրդական ճանաչում են ստացել և անկապտելի դրական փառք են ստեղծել Ալիշանի համար, դարձնելով նրան հայ դասական պոեզիայի նահապետը: